

NUMERADO
POR ALCALDES
LOCAIS

Serie A N.º 1177662

a favor (8 do PSdeG-PSOE, 7 do PP, 3 do BNG, 2 de Redondeláns Adiante e 1 de EU-IU), aproba-la urxencia e adherirse á citada declaración institucional.-

E, non habendo máis asuntos que tratar, pola Presidencia dase por rematada a presente sesión, sendo as vinteunha horas corenta e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 1 do Papel Timbrado da Comunidade Autónoma de Galicia, Serie A nº 1177649 ata o folio núm. 14, Serie A núm. 1177662, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA ISABEL DEL CERRO DEL RIO

SESIÓN ORDINARIA CELEBRADA POLO PLENO DO CONCELLO O DÍA
27 - NOVIEMBRE - 2003

ORDE DO DIA



NUMERAD
ORACIÓNS
OCAIS

- 1.- APROBACION, DA ACTA DA SESIÓN ANTERIOR.
- 2.- DAR CONTA DE EXPEDIENTES DE MODIFICACIÓN DE CRÉDITOS.
- 3.- APROBACIÓN DOS ESTATUTOS DA ASOCIACIÓN GALEGA DE CONSERVATORIOS MUNICIPAIS (AGACOM).
- 4.- EXPOSICIÓN Ó PÚBLICO DA RECTIFICACIÓN DO INVENTARIO MUNICIPAL DE BENS E DEREITOS.
- 5.- APROBACIÓN DA MODIFICACIÓN DAS BASES DE EXECUCIÓN DO ORZAMENTO 2003.

ACTIVIDADE DE CONTROL DO PLENO:

- 6.- DAR CONTA DE RESOLUCIÓNS DA ALCALDÍA.

ROGOS E PREGUNTAS.

Na Casa do Concello de Redondela, sendo as vinte horas do día vinteseite de novembro de dous mil tres, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, D^a. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. RODOLFO PATO GARCIA, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D^a. CECILIA PÉREZ ORXE, D^a. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor do Concello D. MODESTO SOLLA SANZ, actuando como Secretaria a Secretaria da Corporación DONA. ANA ISABEL DEL CERRO DEL RIO, constitúese o Pleno do Concello, en sesión ordinaria, conforme á convocatoria e de acordo coa Orde do Día.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN, DA ACTA DA SESIÓN ANTERIOR.-

Serie A N.º 1177663

Dada conta da acta da sesión anterior, correspondente á celebrada con carácter ordinario o día 30 de Outubro de 2003.

INTERVENCIÓNS.-

O Concelleiro SR. PAZOS DOCAMPO considera que hai un erro no punto relativo ós vocais da Comisión de Seguimento e Control dos Servizios Públicos Privatizados, pois inclúese á Secretaria e ó Interventor Municipais, e tamén en relación cos representantes das asociacións veciñais do Concello.

Pola Secretaria contéstase que tanto a proposta da Alcaldía como o dictame da Comisión Informativa preveía a inclusión como vocais dos técnicos municipais, e en canto ós representantes veciñais, transcríbense os nomes facilitados pola propia Federación.

VOTACIÓN E ACORDO.-

Non formulándose máis observacións, o Pleno do Concello, en votación ordinaria e por unanimidade dos/as seus membros, acorda prestar aprobación á acta da sesión celebrada con carácter ordinario o día 30 de Outubro de 2003.-

2.- DAR CONTA DE EXPEDIENTES DE MODIFICACIÓN DE CRÉDITOS.-

O Concello Pleno quedou enterado dos expedientes de modificación de crédito números 27, 28 e 29/03.-

3.- APROBACIÓN DOS ESTATUTOS DA ASOCIACIÓN GALEGA DE CONSERVATORIOS MUNICIPAIS (AGACOM).-

ANTECEDENTES.-

Dictame da Comisión Informativa de Ensino e Participación Cidadá de data 24 de novembro de 2003, que transcrito dí:

“Pola Presidencia, dase conta da proposta do Presidente do Patronato do Conservatorio de Música de Redondela de aprobación dos Estatutos da Asociación Galega de Conservatorios Municipais (AGACOM) logo das modificacións introducidas a instancia da Dirección Xeral de Interior e Protección Civil da Consellería de Xustiza, Interior e Administración Local.

Pola Concelleira Francisca Canal maniféstase que o seu grupo absterase no presente asunto por non ter accedido adecuadamente ao estudo previo do expediente.

A Comisión Informativa de Ensino e Participación Cidadá, co voto afirmativo dos/as Concelleiros/as do grupo municipal do PSOE-PSG (4), BNG (2), e Redondeláns Adiante (1), e coa abstención do grupo municipal do PP (3), acordou



NUMERADO
ORACIÓNS
OCAIS

dictaminar favorablemente a proposta de referencia.”

VOTACIÓN E ACORDO.-

Sometido o asunto a votación, o Concello Pleno, acorda por unanimidade e co quórum da maioría absoluta do número legal dos seus membros, sendo vinteun votos a favor (8 do PSdeG-PSOE, 7 do PP, 3 do BNG, 2 de Redondeláns Adiante e 1 de EU-IU), aproba-lo dictame da Comisión Informativa de Ensino e Participación Cidadá transcrito, e na súa consecuencia aproba-los ESTATUTOS DA ASOCIACIÓN GALEGA DE CONSERVATORIOS MUNICIPAIS (AGACOM) seguintes:

CAPITULO I

DENOMINACIÓN, FÍNS, DOMICILIO E ÁMBITO TERRITORIAL

Artigo 1º

Esta Asociación denominarase AGACOM (Asociación Galega de Conservatorios Municipais), quedando sometida á lexislación vixente en materia de Asociacións.

Artigo 2º

Os fins esenciais da Asociación son:

- Defensa dos intereses dos Centros.
- Fomento da interrelación entre Centros para a realización de actividades e tamén medidas formativas.

- Consensuar e compartir elementos comúns a nivel de solucións.

- Axuntar esforzos atendendo ó persoal laboral e ós problemas que poidan xurdir.

- Administrar fondo de Material ou económico se o houbese.

- Recadar axudas de outras administracións ou empresas privadas.

- Calquera outro tema que fose de interese e non estivese incluído nos apartados anteriores.

Artigo 3º

O domicilio da Asociación establecerase en Melide:

Edificio Multiusos, Conservatorio de Música.

Rúa Galicia, s/n
15800 Melide



NUMERAD
ORACIÓN
LOCAIS

Serie A N.º 1177664

A Coruña.

Artigo 4º

O ámbito territorial da Asociación será a Comunidade Autónoma Galega.

Artigo 5º

A asociación terá unha duración indefinida, así mesmo será efectiva a súa disolución, se un setentecino por cento dos asociados o solicitan.

CAPÍTULO IIDOS ÓRGANOS DIRECTIVOS E DE GOBERNO DA ASOCIACIÓNArtigo 6º.- ÓRGANOS DE GOBERNO

A Asociación rexerase polos seguintes órganos de goberno:

- ASAMBLEA XERAL DE SOCIOS
- XUNTA DIRECTIVA

Artigo 7º.- ASAMBLEA XERAL DE SOCIOS

A assemblea é o órgano supremo da Asociación e estará integrada por tódolos socios que adoptarán os seus acordos polo principio de maiorías.

Artigo 8º.- DAS CLASES DE ASAMBLEAS

As Assembleas Xerais poden ser:

- ORDINARIAS
- EXTRAORDINARIAS

Tanto unhas coma outras quedarán válidamente constituídas en primeira convocatoria cando concorran a elas, por comparecencia persoal ou por representación escrita da metade máis un dos asociados con dereito a voz e voto e en segunda convocatoria con calquera que sexa o número de socios concorrentes.

Para a súa validez, a convocatoria farase polo menos quince días antes do sinalado para a assemblea, indicando a data e hora da primeira e segunda convocatoria.

Artigo 9º.- DA ASAMBLEA XERAL ORDINARIA

A Asamblea Xeral Ordinaria reunirse inescusablemente con carácter anual, dentro dos tres primeiros meses de cada ano e serán súas as seguintes facultades:

- Examinar e aproba-los presupostos e estado de contas.



NUMERADO
CORPORACIÓNS
LOCAIS

- Aprobou ou rexeita-las propostas da Xunta Directiva.

- Trata-la orde do día.

- Tratar e resolver cantas proposicións ou suxestións foran presentadas por calquera dos socios dentro do espazo destinado a rogos e preguntas.

- Resolver calquera outro asunto que lle sexa atribuído por estes estatutos ou que estea relacionado coa Asociación e non sexa da competencia da Asamblea Xeral Extraordinaria.

Artigo 10º.- DOS ACORDOS

Os acordos adoptaranse na Asamblea Xeral Ordinaria por maioría simple dos votos dos asistentes que gocen deste dereito.

Artigo 11º.- DA ASAMBLEA XERAL EXTRAORDINARIA

Reunírase a proposta da Xunta Directiva, ou cando o soliciten polo menos o 25% dos asociados con dereito a voto, e será da súa competencia:

- Nomeamento da Xunta Directiva.
- Modificación estatutaria.
- Administración, disposición e alleamento dos bens, de se-lo caso.
- Disolución da Asociación.
- Solicitud de declaración de utilidade pública.
- Resolve-la moción de censura.
- Constitución de federación, ou integración nalgunha xa existente.
- Calquera outro asunto que pola Xunta Directiva ou polo 25% dos asociados con dereito a voto se estime oportuno, sempre que se anunciara na convocatoria feita para o efecto.

Artigo 12º.- DOS ACORDOS

Na Asamblea Xeral Extraordinaria os acordos adoptaranse por maioría simple dos votos dos asistentes que gocen deste dereito.

Artigo 13º.- DA XUNTA DIRECTIVA

A designación dos cargos directivos farase sempre na Asamblea Xeral Extraordinaria, observándose o criterio de orde alfabética dos Concellos asociados. Os membros serán reelegibles, agás o cargo de Presidente, que será rotativo entre os Alcaldes dos diferentes Concellos e terá a duración dun ano.

Artigo 14º.- DA CONSTITUCIÓN DA XUNTA DIRECTIVA

A Xunta Directiva estará constituída do seguinte modo:

- Un Presidente (rotativo, un ano).



NUMERAL
PORACIÓN
LOCAIS

Serie A N.º 1177665

- Un Vicepresidente.
- Un Secretario.
- Un Vicesecretario.
- Un Tesoreiro.
- Tres Vocais, que se denominará Primeiro, Segundo e Terceiro.

Os cargos que desempeñen as persoas que compoñan a Xunta Directiva serán non remunerados.

Artigo 15º.- DAS FUNCIÓNS DA XUNTA DIRECTIVA

Serán funcións da Xunta Directiva:

- Convoca-las Asambleas.
- Executa-los acordos adoptados nas Asambleas.
- Vixia-lo cumprimento dos fins da Asociación.
- Manter relacións con Entidades, Organismos e persoas relacionadas cos fins da Asociación.

Artigo 16º

1.- A Xunta Directiva reunirse tantas veces coma sexa necesario, previa convocatoria do Sr. Presidente, ou cando sexa solicitado polo menos por tres dos seus membros.

2.- Como órgano de asesoramento e de elaboración de propostas en materia educativa, a Xunta Directiva apoiarse nunha Comisión Técnica, integrada por Directores (ou profesor no que delegue) dos Conservatorios Municipais.

Artigo 17º.- DAS FUNCIÓNS DO PRESIDENTE

Serán funcións do Presidente:

- Representar legalmente á Asociación ante toda clase de organismos públicos ou privados.
- Convocar, presidir e dirixi-las reunións, tanto da Xunta Directiva coma da Asamblea Xeral.
- Velar polo cumprimento dos estatutos e dos acordos da Xunta e da Asamblea.
- Visar, autorizar e asina-las ordes de pago, os certificados extendidos polo Secretario e Tesoreiro, as actas das Xuntas e Asambleas, e cantos escritos emanen dos órganos da Asociación, e
- Adoptar calquera medida urxente, sen prexuízo de dar conta posteriormente á Xunta Directiva.



Artigo 18º.- DAS FUNCIÓNS DO VICEPRESIDENTE

Serán funcións do Vicepresidente:

- Asistir ó Presidente no exercicio das funcións e substituílo no caso de vacante, enfermidade, ausencia ou impedimento de calquera outra orde.

Artigo 19º.- DAS FUNCIÓNS DO SECRETARIO

Serán funcións do Secretario:

Ter ó seu cargo os traballos administrativos da Asociación, tales como:

- Custodia de arquivos.
- Redacta-las Actas da Xunta e Asamblea.
- Despacha-lo servizo da correspondencia.
- Leva-lo servizo de información e propaganda da Asociación.
- Ter ó día o Libro de Actas e o Libro de Rexistro de Socios, con nomes, domicilio, data de alta e data de baixa.

Artigo 20º.- DAS FUNCIÓNS DO VICESECRETARIO

Serán as súas funcións:

- Asistir ó Secretario nas súas funcións e substituílo en caso de vacante, enfermidade ou impedimento de calquera outra orde.

Artigo 21º.- DAS FUNCIÓNS DO TESOUREIRO

As súas funcións serán:

- Recadar, custodiar e responder dos fondos da Asociación.
- Dar cumprimento ás ordes de pago que expida o Presidente.
- Ter ó corrente e custodiar-los Libros de contabilidade da Asociación, e o Libro Inventario dos bens mobles e inmobles da mesma.
- Confeccionar, de acordo coa Xunta Directiva, os Balances anuais e semestrais, e
- En xeral cantas actividades estean relacionadas coa actividade económica da Asociación, nos termos establecidos neste Estatuto.

Artigo 22º.- DAS FUNCIÓNS DOS VOCAIS

Artigo 23º

A Xunta Directiva quedará constituída cando asista a metade dos seus



NUMERADO
ORACIÓNS
LOCAIS

Serie A N.º 1177666

membros e para a validez dos seus acordos requírese a maioría simple de votos. No caso de empate o voto do Presidente -ou do Vicepresidente, se a presidera- será de calidade. Os acordos deberán quedar reflectidos na correspondente acta.

Artigo 24º

Os membros da Xunta Directiva poderán dimitir dos seus cargo e poñer estes a disposición da Asamblea Xeral cando o interesado manifeste por escrito a súa vontade de dimitir.

Artigo 25º

A Xunta Directiva ou calquera dos seus membros poderá ser cesado polo acordo expreso da Asamblea Xeral, mediante o seguinte procedemento:

- A Moción de Censura deberá ser proposta en Asamblea Xeral Ordinaria ou Extraordinaria polo 10% dos socios con dereito a voto.

- Aprobada por maioría estatutaria, a Moción de Censura, se se refire á totalidade da Xunta Directiva, a Asamblea, no mesmo acto, designará unha Comisión Xestora, elixida por maioría estatutaria, que no prazo de un mes convocará Asamblea Extraordinaria para proceder á elección da nova Xunta Directiva. Cando a Moción de Censura se refira só á parte da Xunta Directiva, aprobada na Moción, a convocatoria para a elección dos cesados deberá facerse na mesma forma e prazos expresados para o caso anterior polos membros restantes da Xunta Directiva.

Os signatarios da petición de cesamento, se esta fora rexeitada, non poderán presentar outra ata pasados seis meses.

CAPITULO III

DOS SOCIOS

Artigo 26º

Para adquiri-la condición de socio, será necesario ser Concello titular dun Conservatorio, Elemental ou Profesional, autorizado pola Consellería de Educación e Ordenación Universitaria da Xunta de Galicia.

Os asociados poderán ser de dúas clases:

- Fundadores

- Numerarios

Son socios fundadores aqueles que suscribiron a Acta Fundacional.

E serán socios numerarios os que ingresen con posterioridade á sinatura



NUMERADO
ORACIONES
LOCAIS

da Acta Fundacional.

Artigo 27º

Os socios fundadores e numerarios terán os seguintes dereitos:

- Asistir con voz e voto ás Asambleas Ordinarias e Extraordinarias da Asociación.

- Presentar toda clase de suxestións, iniciativas ou mocións relacionadas cos fins e actividades da asociación.

- Elexir e ser elixido para calquera dos cargos directivos.

- Recibir de se-lo caso, as publicacións da Asociación, nas condicións económicas que se determinen.

- Gozar dos medios e beneficios que a Asociación poida proporcionar para levar a cabo actuacións relacionadas cos seus fins.

- Recibir información sobre os acordos adoptados polos órganos da Asociación.

- Ser informados da función directiva.

Artigo 28º.- DOS DEBERES DOS SOCIOS

Os deberes dos socios serán:

- Observa-los presentes estatutos.

- Participación activa en tódalas actividades da Asociación.

- Acata-los acordos da Asamblea Xeral, e cantas normas se establezan pola Xunta Directiva para obte-los fins da Asociación.

Artigo 29º.- DA ADMISIÓN DE ASOCIADOS

O ingreso realizarase mediante solicitude por escrito, que se dirixirá ó Sr. Presidente.

A admisión ou inadmisión de asociados competará á Xunta Directiva, sendo a súa decisión inapelable.

O solicitante deberá ser avalado por dous socios fundadores ou numerarios.

Artigo 30º.- DA PERDA DA CALIDADE DE ASOCIADO

A calidade de asociado perderase por:

Serie A N.º 1177667

- Por causar prexuízos á Asociación. Neste suposto o interesado expedientado poderá presentar recurso ante a Asamblea Xeral Extraordinaria, que será quen en última instancia sobre a expulsión ou non do asociado.

- Por incumprimento da condición establecida no Artigo 26º, con posterioridade á súa entrada na Asociación.

ARTIGO 31º.- DAS SANCIONES

- Unha vez cometidas as infraccións, a Xunta directiva poderá solicita-la documentación que crea convinte para toma-las medidas que crea convintes.

Artigo 32º.- DA CELEBRACIÓN DAS ASAMBLEAS

- As assembleas comenzarán cando na primeira convocatoria se reúna unha maioría simple de asociados e con calquera número de asistentes na segunda convocatoria.

Artigo 33º.- DO PECHE DE EXERCICIO

- Farase a trinteun de decembro do ano en curso.

CAPITULO IV

DOS BÉNS DA ASOCIACIÓN

Artigo 34º

A Asociación carece de patrimonio fundacional, pero poderá contar co seu propio patrimonio no futuro, centrándose a súa responsabilidade económica no mesmo.

A Asociación non terá ánimo de lucro e os seus recursos aplicaranse ós fins e actividades que lle sexan propios.

Artigo 35º.- PRESUPUESTO

O presuposto máximo anual da Asociación será indeterminado e aprobado anualmente pola Asamblea Xeral de Socios que se reunirá con carácter ordinario inexcusablemente dentro dos tres primeiros meses de cada ano.

Artigo 36º.- DOS RECURSOS ECONÓMICOS

Estarán constituídos por:

- As subvencións e donativos, someténdose estes ó establecido polo artigo 9º da Lei de Asociacións.

- Intereses e froitos que produzan os béns patrimoniais.



NUMERADO
PORACIONES
LOCAIS

- Os procedentes das actividades da Asociación.
- Calquera outro ingreso a procedencia do cal estea amparada polas leis.

CAPÍTULO V

DA DISOLUCIÓN E LIQUIDACIÓN DA ASOCIACIÓN

Artigo 37º

A Asociación poderá disolverse:

- Por vontade dos asociados nos termos establecidos nos estatutos.
- Polas causas ás que se refiren as leis vixentes, con especial referencia ó artigo 39 do Código Civil.

Artigo 38º

No caso de disolución, a Asamblea nomeará unha Comisión liquidadora, de acordo ás circunstancias e cun número non inferior a tres membros, que destinarán ó patrimonio social e remanente, se os houbera, a calquera entidade de fins similares legalmente constituída, ou unha entidade benéfica.-

4.- EXPOSICIÓN Ó PÚBLICO DA RECTIFICACIÓN DO INVENTARIO MUNICIPAL DE BENS E DEREITOS.-

ANTECEDENTES.-

Proposta do Presidente da Comisión Informativa de Economía, Facenda e Patrimonio de data 19 de Novembro de 2003, dictaminada favorablemente pola Comisión con data 24 de Novembro, que transcrita dí:

“Antecedentes.-

Con data 15 de outubro de 2003 a empresa Longo Ansa y Asociados, S. L., adxudicataria dos traballos de asistencia técnica para a realización da actualización do inventario municipal de bens e da elaboración e instalación dunha aplicación informática para o seu tratamento, presentou escrito polo que se fai entrega dos mesmos.

Con data 22 de outubro emítese informe favorable polo arquitecto técnico municipal.

A rectificación do inventario de bens e dereitos da Corporación, prevista nos artigos 33 e 34 do Regulamento de Bens das Entidades Locais, esixe únicamente a súa aprobación polo Pleno da Corporación. Nembargantes dada a envergadura dos



NUMERADO
CORPORACIÓNS
LOCAIS

Serie A N.º 1177668

traballos realizados considérase convinte a apertura dun trámite de exposición ó público co obxecto de que se formulen as alegacións e suxerencias que se estimen oportunas, con carácter previo a súa aprobación polo Concello Pleno.

Con base no exposto e, ó abeiro do artigo 86 da lei 30/92 de 26 de novembro, que establece que o órgano a que corresponda a resolución do procedemento cando a natureza deste o requira, poderá acordar un periodo de información pública,

PROPOÑO

Que o Concello Pleno acorde a apertura dun trámite de exposición ó público por un prazo de trinta días hábiles da rectificación do inventario municipal, que empezarán a contar dende o día seguinte da publicación do correspondente anuncio no boletín oficial da provincia.”

VOTACIÓN E ACORDO.-

Sometido o asunto a votación, o Concello Pleno, acorda por unanimidade e co quórum da maioría absoluta do número legal dos seus membros, sendo vinteun votos a favor (8 do PSdeG-PSOE, 7 do PP, 3 do BNG, 2 de Redondeláns Adiante e 1 de EU-IU), aproba-la proposta transcrita.-

5.- APROBACIÓN DA MODIFICACIÓN DAS BASES DE EXECUCIÓN DO ORZAMENTO 2003.-

ANTECEDENTES.-

Proposta da Alcaldía de data 24 de Novembro de 2003, dictaminada favorablemente con igual data pola Comisión Informativa de Economía, Facenda e Patrimonio, que transcrita dí:

“Visto o establecido nas bases de execución 24ª, 25ª e 28ª do orzamento xeral do Concello de Redondela para o ano 2003 con respecto á competencia e ás delegacións das fases A, D, e O de xestión dos gastos.

Visto o decreto desta Alcaldía, do día 18.07.03, referido ás delegacións xenéricas de áreas no Concello de Redondela.

Considerando preciso completa-las delegacións xenéricas de áreas incluíndo a delegación de diversas fases do procedemento de xestión do gasto público.

Esta Alcaldía proponlle ao Concello Pleno a adopción do seguinte acordo:

“Modificar as bases de execución do orzamento xeral do Concello de Redondela para o ano 2003, creando a disposición final sexta coa seguinte redacción:

Sexta.-



NUMERADO
PORACIONES
LOCAIS

O Alcalde do Concello de Redondela poderá delegar todas ou algunha das fases de xestión do gasto seguintes: A (autorización), D (disposición), e O (recoñecemento e liquidación da obrigação).

As delegacións citadas deberán ser expresas e poderanse efectuar en todos ou algún dos concelleiros que ostenten delegacións xenéricas de área.”

INTERVENCIONS.-

A Voceira do Partido Popular solicita que se informe verbalmente polo Sr. Interventor.

O Sr. Interventor informa que a proposta de modificación axústase á legalidade, ó igual que a redacción actual das bases que se modifican. Trátase dun criterio de organización, polo que opta a Corporación.

A Voceira do Partido Popular solicita como xa ten feito noutras ocasións, que se incorporen os correspondentes informes ós expedientes que se traen a aprobación.

VOTACIÓN E ACORDO.-

Sometido o asunto a votación, o Concello Pleno, acorda por unanimidade e co quórum da maioría absoluta do número legal dos seus membros, sendo vinteun votos a favor (8 do PSdeG-PSOE, 7 do PP, 3 do BNG, 2 de Redondeláns Adiante e 1 de EU-IU), aproba-la proposta transcrita.-

ACTIVIDADE DE CONTROL DO PLENO:

6.- DAR CONTA DE RESOLUCIÓNS DA ALCALDÍA.-

O Concello Pleno dase por enterado do contido das Resolucións da Alcaldía dende o día 25 de Outubro ata o 21 de Novembro de 2003.-

ROGOS E PREGUNTAS.-

- D^a. Francisca Canal Gómez, voceira do Grupo Municipal do Partido Popular, formula a seguinte pregunta:

“Con data de 7 de novembro do ano que andamos, esta voceira presentou ante o Concello a denuncia que consta no escrito que se acompaña, referente a unha obra de construción dunha nave, almacén ou similar, en Quintana-Reboreda, inmediacións do Campo de Fútbol (lindante coa estrada de Redondela a Pazos de Borbén), realizada nunha zona de Protección forestal e de ríos, e carente de licencia algunha.

Ata a data, non se me comunicou nada en relación coa citada denuncia, polo que me dirixo ó Pleno, formulando a seguinte pregunta:



NUMERADO
DRACIONES
OCAIS

Serie A N.º 1177669

A).- Realizaron algunha inspección á citada obra.

B).- Han requerido ó propietario da mesma para que inmediatamente cese na edificación.

C).- Van a actuar contra a citada obra, abrindo o correspondente expediente de Infracción Urbanística, ou van a facer oídos sordos e ollos cegos.

D).- Saben que poden incurrir en responsabilidades se non actúan como autoridades competentes na materia.

E).- Será necesario, que si Vdes. non actúan, teñamos que presenta-la correspondente denuncia ante a Inspección Provincial de Urbanismo, e ante os tribunais.

Respóstalle o Sr. González Iglesias indicando que cando se presentou a denuncia xa non se estaba realizando ningunha actividade, por que se tiña dictado orde de cese. Non se fixo en ningún momento oídos sordos, porque existen tres medicións polo técnico municipal e un expediente en trámite. Así mesmo indica o Sr. Concelleiro que nunca votou a favor dunha obra que contara con informes desfavorables, como si ten feito a voceira do Partido Popular, e fixéronse máis de cen obras sen licencia cando gobernou o Partido Popular.

Remata sinalando que descoñece que exista un órgano denominado Inspección Provincial de Urbanismo.

E, non habendo máis asuntos que tratar, pola Presidencia dase por rematada a presente sesión, sendo as vinte horas e dez minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 14 do Papel Timbrado da Comunidade Autónoma de Galicia, Serie A nº 1177662 ata a volta do folio núm. 21, Serie A núm. 1177669, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA ISABEL DEL CERRO DEL RIO

NUMERADO
CORPORACIÓN
LOCAIS



NUMERACIÓN
ORACIÓN
OCAIS

DILIXENCIA

A extendo eu, a Secretaria Xeral, para facer constar que a presente folla, por erro de impresión, queda anulada, correspondente o folio núm. 22 do Papel Timbrado da Comunidade Autónoma de Galicia, Serie A nº 1177670.

Redondela, 12 de decembro de 2003.

A SECRETARIA XERAL

ANA ISABEL DEL CERRO DEL RIO